

宗旨曰兆當具位長跪宣念畢三拜興身

復爐入神

焚傾光四駕符

宗旨曰兆執手爐宣香官使者至諸靈官

從于輪至亥王訣局定宣御前了存神入

吸炁咽納丹田密呪曰

向來召出巨身中五體真官功曹將吏從衆

妙門而入在左還左在右還右後召復到一

如故事

存上帝天真三界官屬齊昇霄漢唯有五

帝吏兵等守衛壇場集神自腦門入納歸

三宮混合為一也

降天門出地戶

早出戶呪十朝用

出除入陽萬神開張關啓事畢請閉黃房

侍靖玉女明闕神宮

晚出戶呪

玄上太陰八憲開明向來啓奏少女通靈

隨心啓化安鎮黃庭畢事復位萬神安寧

存官吏玉女傳送齋誠各各散去次出壇

謁女神幕

兆上香三拜跪奏謝恩三拜興身監齋糾

過如式

四靖

兆回靖上香拜真師衆官復位

上清靈寶大法卷之五十七

正一天師清微弟子 洪百堅 製

道教學術資訊網

上清靈寶大法卷之五十八

寫七

洞微高士開光救苦真人寧金真授

上清三洞弟子靈寶領教洞師王聖真奉

齋法宗旨門

九厄九壘燈

按上元簡文曰然燈之法是法解真人啓

請元始天尊天尊答曰遷拔之格救度之

門三洞衆經具有成典今當為汝宣說要

言濟苦拔亡然燈為上五方八極地獄幽

牢在極陰之鄉長夜之境死魂因閉不覩

三光冥暗之間經諸考掠宜如法造燈樹

其下立天地輪以圓象天以方象地天上

地下內外洞明朔獄幽牢無不煥輝分三

輝而照九壘列八極以居中皇自初終亡

至于七七燈光相續若魂覩此光明即得

解脫乃金口所宣依科建立然憐用救無

間矣

建燈法

法用梓木作一燈樹上分九厄每厄安一

燈下用淨土作壇三級上圓下方方法天象

地上層安燈樹懸幡九首幡上書九天陰符兩手寫誥文中層團團安九蓋燈立九炁牌下層安九壘燈九蓋立九壘土皇君位牌三層共三九二十七蓋外立八門然燈八蓋立八卦上照九天調泰正炁鎮運

星宿中照九野以掃九土灾殃下照九幽重陰九壘通光九道破暗燭幽外八門以映八極周回十方計三十五蓋乃三十五分總炁上玄八景冥合炁入玄玄拔度苦魂功莫大矣

然燈

又曰然燈畢便分東北厄燈光點九獄燈生三炁乃一生二二生三之道陽光下徹照破陰翳諸獄皆觀光明

明九幽

夫九幽者按八卦中宮按九州分野各係社令主守在天為九天在地為九宮化形為九幽獄其名有九皆一炁所化一念所感凡亡人一念之惡其獄即現其獄隨之故太上垂慈拯濟立此齋法拔度苦爽當如其式一曰幽冥乃東方震卦九炁所化凡發生蠢動莫不待風雷之所驚故號風雷地獄二曰幽陰乃南方離卦三炁所化凡火數至午為陽極陰生之道故號火翳地獄三曰幽夜乃西方兌卦七炁所化凡一日之光沒於酉地為金方殺伐至剛之道故號金剛地獄四曰幽鬱乃北方坎卦五炁所化凡炁候水數至於子為陰極陽生水旺於子故號溟冷地獄五曰幽鄙乃東北艮卦炁所化凡炁候至寅艮為溫柔發施之理木炁所生故號鑊湯地獄六

曰幽治乃東南巽卦炁所化凡火至巳為至旺之鄉莫不燦燦鑄銅之熾故號銅柱地獄七曰幽關乃西南坤卦炁所化凡金炁為西南肅殺之候故至人門之鄉多生貪殺之心故號屠割地獄八曰幽府乃西北乾卦炁所化為天輪運轉之象故號火車地獄九曰幽獄乃中央一炁所化是中宮土皇所掌為中央總制之治故號普掠地獄

建獄法

按太一真科凡立九獄於地戶上以土砂砌壇九所方闊二寸九壇如一羅總方六尺以法地之陰極二六之象每獄作四角三曲每獄點三炁安獄牌上懸幡九首書各方天專號符書十方天專符幡頂書九獄符兩手寫破獄符呪告文足上寫某符告某獄以竹九莖標之又式以黃幡九首書九天生神炁符於破獄焚獄幡了却以此九幡掛其位中置大幡一首書青玄號任風吹揚萬罪俱滅依式建獄所以法象

地九幽陰曹主罪憲職羅鄴東南巳地是其所也獄式別載

論建獄

凡建九幽之獄本為普度沈淪之設凡建小緣上不祝君王而及竇區下不度九祖而及六道用心窄隘專意為一二位之亡魂則上帝不為一人而能特降符命悉開九獄必無是理地獄未必可盡破孤魂未必皆可度而我之立意無一毫及物之功豈本科之意僕若專若益宜然燈宣讚或建九危坤燈而破獄之科不必舉行庶不備續然孝子薦拔祖宗無非盡此一誠蕩滌宿愆足矣豈可自以上祖墮地獄而行此法理之所在也僕欲行之自合隨宜備置斛食廣度三塗五苦滯魄沈魂不拘多寡隨力建功以恢善意則破獄一節斯可施設蓋以無量罪魂沈迷有無一念既差終墮其獄若不啓告上玄行符破獄然燈何由開度故當行之目宜斟酌重輕庶不礙科法也當先立還神寶籙於壇之東

論破獄

凡建大齋臨告召之時破獄深為課矣且八獄皆破惟中央不破何耶又不知罪鬼在何方獄中設使在中央獄中然既不破何緣得出更若亡人無罪不入獄中却於何處追攝行持呼不明此事正謂自瞞且普天之下一日之中有多少去處修齋薦拔若一一都破獄有罪之人如在獄中何拘囚呵呵且如陽間官司不收無罪之人何況幽冥乎蓋緣亡人身死之時魂留厚土魄滯九陰一身有三業六根之罪凝滯陰垢不能蠲除故假陽光廓然陰翳消散以一獄然三燈者故召玄元始三炁也九獄九炁化生二十七炁共為三十六陽光下照三十六地照破亡人三業六根之罪累所以中央獄不破者中屬脾神乃命門也恐散亂神識不能更生故爾

論身中九獄

師曰夫九獄處重陰之下何法可施破耶但兆身中自有九獄未能破傷焉敢破重

陰之獄若能自破何患地獄乎且人之一身一切皆從心起心由君王也施之勇銳亦可行之善道亦可心安則安神定舍心怒則亂神動舍若心安體安而忿怒一作則所養喪矣心蓮花之府君王居尊肺華蓋之府輔相居之肝將帥之府腎作強之官脾倉廩之官中黃守舍夫一念皆從心起心安則蓮花之境現惡則火坑火鬻之獄現氣怒不靜則風雷普掠獄現氣亂不安肺則金剛獄現氣強則溟冷獄現三陽在手銅柱獄現三陰在足鑊湯獄現百事相互心躁並不安靜則火車周匝氣血精神俱有不仁則屠割獄現節體不安金棍考罰之獄隨炁而現中央普掠獄處此乃法師中黃帝一之尊本命臟府小腸是心通周匝一身大腸是下方九壘重陰羅山苦穴三宮五臟乃三途五苦之穴况一身獄穴日時沈穢尚不能破豈能破冥曹幽獄乎無非畫地之戲耳須心中自焚之刀山方可破刀山之獄也

宗旨曰凡是夜欲破獄此日自朝至晚當調平其志安定心神自上玄之府九宮各分布九炁升降心君則心王安靜群僚守舍真炁內養流充一身運一炁入九曲回腸之獄萬穢俱消善境隨念而現方可破冥曹之獄也至晚於上帝前請策杖符誥依法破之其金光誥命注下獄中自然停囚罷對陰靈得出獄昇化矣

請策杖

夫破獄開幽須假天尊元量度人靈寶策杖策役五帝守吏按卦炁之方剔訣行事。先具威儀詣三寶前跪奏請杖次不離位焚符召吏依科行事。宗旨曰北詣三寶前上香三拜跪奏青玄上帝具陳齋悃請降五帝策杖破獄符命開破幽獄心運青玄上帝端浮虛皇之前左右侍真玉童玉女各執旌幢蓋華幡羅列左右真中有圓光煥照十方映于其身上帝允奏以口服鼻分吐慧光注于杖上化策杖為芝龍龍頭虎尾之狀龍身光

耀口含華旒靈風慶雲盤結于上光煥無極救玉女玉童捧瓊匣金光閃爍開紫陽玉笈頒示破獄符誥及淨鍾法水付北開破地獄

請策杖呪

五老策杖天尊惠符金闕玄籙通幽破滄大慈悲憫罪苦咸除靈寶无量取救愚迷初符一下含識咸虛

次以符誥策杖水鍾香上度過付左右執此謝恩三拜凝神引青玄帝相慧光徐徐升降于北上玄之宮交合一相左右童君侍衛即咽液與身策杖飛雲步虛隨意運動至建獄之所旋步一匝四維燈炁皆是慧相金光遍照悉成朗耀之所依料然懺

破九獄

宣破地獄誥 祝遣呪

晉告三界至道邇上清

玉清訣東炁同錢馬焚於獄前

焚毀鎖符 張門符

右以手擎符灰吹布於九獄內次自東北


起逐方破之先上香叩齒九通步罡一座東九步南三步西七步北五步四維各五步中央十二步左手搖中文存玄元始青黃白三炁罩覆己身為本方天尊次以符杖破了取本方炁吹彈以水洒之

焚本方符於本獄中 祝呪

玉清祖炁罷對幽堂三星耀耀元始開光有罪無罪得赦其方實光煥映晉登天堂急急如 元始上帝令

拍玉訣本方炁吹彈入獄存金光透徹內外洞明次携杖虛書符引光下注以杖頭畫數字存想破之

破獄起生符



玉清道炁總破重泉 囚關苦矣離苦昇天
急急如

元始太一青玄上帝律令

左玉清訣彈以杖頭引下虛書一數字破
之又當念後破獄密呪

雲靈齋



雲靈齋

天地交光 日月合明上衝牛斗下徹幽冥

左扶六甲右衛六丁 神杖破獄萬類超昇

急急如 上帝救

破獄秘呪

唵俱知帝阿勒薩雲波伽婁伐夜婆吽吽

訶

左玉訣右執杖存玉女金童左右各一十

二人手執寶幡幡上有金書玉皇赦罪天

尊其逐方各存鐵城萬丈羅網交加黑炁

沈沈穢炁達劫銅蛇鐵犬噴吐煙焰鬼卒

夜叉各守門鎖以杖一書劃破雲篆寶光

祥風鼓蕩化兆身在百寶光中上接玄元

始三炁徑衝其城見鐵城摧毀刀山斷刃

劍化霧林大山息焰水池靜波吞火食炭
變成甘露饒湯傳沸金掬鐵杖變成蓮花
獄中罪人隨幡所指得觀陽光枷鎖自落
罪苦咸原俱悟本真究仇和釋冥官鬼吏
悉皆擊奉朝禮稱善

酒水祝呪

元始符命玉道遙上清

存慈尊洒布法雨沾過幽壑盡化青紅蓮花

清涼之境內外異香飄飄燈光散迸一如

星斗光芒流霞飛燦獄吏盡承慧光仙化

成人同獄罪魂永離陰治得觀光明其所

立燈獄之處悉為異境

破音掠獄時指靈寶訣取中祖炁默

念化形呪

吾師救苦天中尊常善化形十方界以此威

神興大慈救彼衆生無量苦九夜重昏幽暗

府善令獲照生光明牛頭獄卒盡升仙萬苦

沈埋俱解釋三途五苦諸囚繫萬苦停闌上

紫清見聞有識及無情感此皆成無上道

以焚青玄救苦破獄都符同回光符於中

獄之內再念心呪

救咩咩哩現光明

右呪三遍瞑目存燈光化成百寶祥光上

達九天十地存前符化無量天尊遍

詣獄中救拔一切罪魂俱得原故而出又

焚酆都真形一道吹灰九獄之中念十方

救苦天尊三聲次誦淨酆都開業道等呪

酒水旋遠存用在前

納杖

凡破獄事畢當詣三寶前納杖威禁至重不

可超越速則考算致恭謝恩納于上帝之前

宗旨曰兆納杖詣上帝前上香設拜跪奏

謝恩以策杖水鐘納于元所大槩與請杖

存用一同良時運頂上青玄上帝漸漸而

升再歸空淨兆瞻仰慈尊心拜而退

迴輝輪燈

迴輝輪燈

按真人二十四戒經云凡人生前造二十

四種之罪以致身亡之後歷二十四報化

為二十四獄三途五苦八難之場八獄共

二十四獄按人身中三部八景二十四神

之數在生之時貪着情愛設心邪境結節
凝滯不能開通故盟真科典有迴釋降光
之格假陽光所照蕩除五累之苦開生死
之業道破黑暗之罪庭此科乃洞玄禁典
若非妙行啓請玉清宣示則下世豈得竊
聞能回三景之耀曲降九泉之戶使水火
消滅毒苦金刃摧割惡鋒鐵城鎔解鬼官
罷停滅萬劫之罪對技億世之冤覩觀此
三光徑生人天此法乃普廣開度孤魂用
之集茲功德以薦亡魂尋常不必建也

建獄法

凡建此獄先立回釋靈幡方用梓木作輪
如車軸作三層中立一柱上層安燈十二
蓋中層十六蓋下層二十一蓋共四十九
蓋中央立五累五門各立牌寫獄名於上
仍造小幡四十九首黃白之色互相交間
幡上書天尊號有式上書破鄴都符依迴
釋燈儀回權幡立於燈壇之東南又有二
圖式

鐵燈

宗旨曰先請策杖符命水鍾至燈壇之所
依科行事

宣拔幽魂符 審呪

晉告三界玉道連上清

玉訣東炁再南炁吹同錢馬焚于燈壇之

上北發腦後大椎骨九色神光出項上作

圓象如日月之輪煥映十方照破諸獄至

行科鐵燈逐獄上香焚符以杖破之酒水

祝三逆符 祝遣呪

五清上帝救赦上清上帝救赦太清大帝救

赦救命十方靈寶救苦天尊朱陵上帝朱陵

火府神君南極長生大君九天監生大神受

度亡過等魂玉皇有救上奉道君救赦十

方三界罪魂先散九幽流香滿庭唵呼吟嘯

嘔婆娑誦薩訶急急如

太上道君救赦律令

三塗誦文

焚五苦符 祝遣呪

玉清寶符元始妙章 德玄幽象妙達群陽

變陰作晝 廓翳停殃消除五累 飛度南昌

五苦訣文五方

焚八難符 祝遣呪

靈寶玉符超凌八難 度脫窮幽得證彼岸

大道幽微 陽光燦燁 獲人道中發大讚嘆

三途五苦 八難超凌 魔王陰官稽首送迎

玉清元符一如奉行急急如 玉清上帝救

剔訣存變凡每獄焚符畢左玉清訣右執

策杖隨方於獄中擊一下念大梵隱語一

遍酒水念玉清流輝淫苦秘呪

三途五苦魂 四生六道衆 受苦諸衆生

普生安樂土 急急如 元始上帝命

酒水就燈化小幡逐方一同如此則諸獄

罪魂乘此陽光應時解脫諸苦五累煩惱

惡障塵勞業根悉皆斷除觀此三光徑生

人天

總破諸獄呪

風雷火醫 銅柱冥冷 普掠屠割 火車不停

鑊湯煎煮 焦爛身形 萬死萬生 受罪不輕

飛天大聖 妙行真人 誦念靈章 拔離幽冥

九幽地獄 除苦停辛 執天符命 列名上清

卷三摩咒 滅罪律令 卷三摩咒 急急如
太上玄科律令

鐵鬱都燈

宣淨鬱都開幽夜寶誥 祝遣咒

然鄴都燈行持秘呪

寶及隱靈書 玄都演關度 魏巖北都土

黑暗無朝暮 寒池波水深 戰樹多哀楚

魏魏鐵又扁 壯子炎烈戶 無限衆陰塊

晝夜受萬苦 天尊降靈章 光明諸陰府

罷對日關庭 咸赴朱陵府 玉清真帝命

悉皆焚罪簿 承領無上道 冥令無停阻

從惡諸鬼吏 拱拜真玉父 急急如

元始上帝命

默呪三次逐方各一呪次逐方上香焚符

運用洒水焚五方符諸大地獄符上下方

符用隨方呪運開室之道

玉清元命 總破寒泉地獄開朗 鄴山摧傾

罪魂解結 惡道消平 天王律令 稽首送迎

急急如 元始上帝命

宗旨曰兆鬼神默運誦破蕩鄴山開業道

呪三遍了叩齒五通咽液一口運元真一

炁升上重樓以舌捲三匝微以口噴出如

白霧交合漸漸長大圓如月光運轉高目

少望太陽之光取炁吸光一口下注與月

象交合日運月轉徐徐涵浸此一身光明

在內次以口微引鼻息一轉金光百絲迸

體注入兆一身毛竅五內之中悉皆朗明

燭破下淵元宮水光黑炁如煙分散而出

如日月光華輪轉融融無邊洞煥上下內

外等處悉為蓮房異香之境又化自身為

太一寶相有侍真玉女童君在于左右懸

坐空浮廣布慈雲慶煙鼓蕩周徧陰關鬼

吏皆大懼忻方叩齒三通咽液三口飛斗

存星光入體而行此為破蕩羅鄴銷鋒攝

濁使幽關無荆棘之悲地獄變蓮花之境

血湖獄

夫人生天地間萬物總陰陽之化離中男

坎中女皆有漏之色身孰能免於愛境凡

人有懷胎育孕子母未分因此致喪者莫

不前世故犯今生冤執受報也血湖有五

獄王法及戰陣殺戮癰疽毒瘡在三獄

罪尤可救魂有出期惟已產未產罪魂各

有一獄生生執對血穢腥膻滯滯血湖飲

浸形體動經億劫不親光明亦有婦人墮

落胎孕母喪子存子喪母存母子俱喪或

肢體不完或敗血泄血癩病血痢皆屬血

湖地獄所因非黃籙大齋盟天告地須告

符籙作諸功德何以薦拔故天尊大慈悲

憫弘濟多門流傳下士廣開濟度拜血湖

章上血湖表破血湖獄行血湖鍊符微官

將與靈寶鍊度皆不同師當體而行之於

破獄之頃冥心端坐內想不出外想不入

存左腎有血湖硤石之獄右腎有北都寒

池之獄左獄流血波浪腥穢因繫罪苦萬

劫不原當學青玄上帝手執楊枝法水居

于妙堂之上師引天門金光道炁一口微

微嚥下丹田過尾閭關至命穴自夾脊而

昇直透泥丸宮衝開八門中有一穴號曰

衆妙門化為九色蓮花天尊端坐於內次

見丹元真人與兆形貌一同步九鳳破穢

罡巡過下方自脾胃至尾間金井中引起
 飛過二十四節背脊上至重樓以舌柱上
 脣作橋至妙堂朝禮天尊跪奏事由乞願
 救救天尊命允宣告敕命宣付血湖使者
 咸使知聞丹元真人與天尊合而為一端
 坐妙堂宣召救苦真人無鞅數眾各誦靈
 寶旨元始符命上上清唵吽叱咧天尊頂
 放金光注下幽獄咸觀慈光寶光真人手
 執寶珠金光燦然直透丹田徹破幽獄天
 尊以枝水遍洒硤石之獄化為寶臺亡者
 斯有出期秘之秘之此乃內外相應之道
 師當於建獄之所同道眾振鈴吟偈旋遠
 三匝念隱語以淨水洒獄中如細雨密霧
 紛紛而下請真炁灌注獄內燒解穢符及
 中篇同玉清破蕩血湖符念破五方穢獄
 秘呪以杖頭如流光飛霞之狀注下燭破
 開宣表白吟一偈破一獄焚青玄天尊救
 苦破酆都真符默誦靈寶旨三遍五獄皆
 然畢道眾圍遶念誦法都中寒庭多悲
 苦功德金色光各三遍念元始符命呪三

遍化獄光明清淨獄吏擊拳冥官稽首罪
 魂出離建獄之所化為蓮池之境
 凡破獄時兆當存身為救苦天尊道眾皆
 為侍真並在雲端之上獄在于下只以慧
 光符命燭破重陰法雨慈雲祥風解除穢
 暗一如陽治承救釋放罪囚次運官吏部
 衛赴壇承恩託化
 監生司
 夫召到亡魂其中或有產亡之者當先引
 赴監生司依法行持當先請聖點酌
 召監生大神呪
 高上之天玉清為主道合乾坤主制生魂
 送生神吏來赴生門急急如
 元始上帝敕九宮訣東
 焚已生未生符 監生諸符 祝曰
 謹上請九天監生大神衛房聖母治病天醫
 君等眾只今引過血湖未分娩產魂等眾各
 入幕以遂分魂託化人天急急如律令
 玉訣想亡人入幕再呪
 謹上請雙保之母速賜真炁救魂生天

指中文靈寶祖炁吹攝上炁念監真度生
 七過又念中篇一過取東南炁吹布炁念
 已生未生皆得生成三十二過取一炁吹
 布存亡人身形青色光明滿室若未生者
 焚分誕產孕符雙手子午斗分陰陽剔去
 哭水一口于牆奮發五內之炁袞袞升至
 絳宮自重樓出運兩腎丹田雷火相擊作
 霹靂奮迅而出化生一身開解子母分形
 此為激震之聲鍊胞生育
 分形蛻胎呪
 五行之炁周流三光之炁飛浮靈漿下灌玉
 液蕩幽魂神澄正歸上天會合萬神玉京遊
 急急如律令
 天醫院
 夫產魂監生解脫既畢當請天醫神吏救
 度成金又有亡人生存受疾而阻隨魂有
 病十相不完又况亡人三魂幽幽冥冥不
 過三寸既無形無身如何更衣朝真受食
 今人多不究此一節止以歌聲吟詠感亂
 世人凡召到亡魂當請天醫慈治引魂赴

暮請聖顯酌以符呪存用行五府內事復
本來形體既有形質次開咽喉次運炁自
身五芽玉液運五府秘法吹之成人始得
咽喉開通方可更求受食

焚召天醫符 次念召呪

天醫大聖 地醫大聖 金丹仙藥 普救群生
降臨真炁 閉召速至 一時復形 急急如律令
先存日月星斗三光覆定天醫院焚天醫
諸符於水盂內沾洒行持玉訣正炁存天
官五人着五色繡衣自五方降下各持符
藥布炁醫瘡亡塊次化五方真炁匝覆天
醫院作一團真火月輪天醫秘治焚五帝
全形符行五府內事
夫五府者一為泉曲之府是腎宮主天一
水位之精二為陽明之府是心宮屬地火
位之精天三生木木屬肝宮是為發生之
府以象乎春之生物也地四生金屬肺宮
是為崐嶠之府以象乎秋之收成也然春
屬肝為木主青龍秋屬肺為金主白虎夏
屬心為火主朱雀冬屬腎為水主玄武四

象既備萬神俱歸於中黃之庭默行五府
之事當存脾神在於中宮為黃庭之府能
生長萬物五行周備則萬神咸亨矣然後
亡塊形體悉具可以沐浴更衣朝真聽法
受鍊更生也

存五帝諱

功都成中 切角正子 興生轉卯 可轉
明午 獨隸還酉 對魂聚塊功都聚塊攝
拍卯文默念 紅杏 存青帝自東駕青
龍至兆運肝炁自眼出合之噓去
拍酉文默念 磨真 存白帝自西駕白
龍至兆運肺炁自鼻出合之咽去
拍午文默念 墨黑 存赤帝自南駕赤
龍至兆運心炁自口出合之呵去
拍子文默念 襍臘 存黑帝自北駕黑
龍至兆運腎炁自耳出合之吹去
掐中文默念 靈寶 存黃帝自中宮駕
黃龍至地運脾炁自唇出合之呼去存亡
塊環列在前天醫六職醫瘡完全形體五
方五帝降五色真炁灌溉亡人頂門而入

全形呪

玄元始炁 孕育三元 胚臍肇啓 二景回旋
陰陽蘊秀 凝結胞原 形容世象 積業無邊
五宮六府 結塞三四 百關九竅 累滓成愆
形消炁散 塊繫九泉 隨塊帶疾 求脫何緣
天醫尚藥 拯濟痲癘 首斷為續 筋斷為聯
蠱癩為刺 水腹為寬 胎留為下 孕育發生
拳擊伸縮 啞啞能言 手足不具 俱得完全
聾盲視聽 顛狂復元 老劣返壯 執對和寬
飢饉充實 沈疴悉蠲 風勞頓絕 咸得完痊
魄戶開闢 塊門鍊仙

存亡塊形體完具取西南炁布之想亡者
魂來炁真炁 焚解十傷符命

沐浴

夫亡人身沒之後塊滯重陰或入九幽冥
塗陰炁凝結尸穢未除既召到壇天醫已
畢次以日月精華天河東井之水五星之
光沐浴塊魄消蕩陰翳

焚變浴室符 男堂女室符

兆運化浴室為月景波光之相結華之炁

辨鬱滯滂雙手別子文乃陰陽之炁

焚沐浴諸符 宣科誦呪

化月景陰白之光如雨沾濡次以水洒淨
三匝化玉童玉女二人手執香巾長帛布
寶光之炁引道陰魂而入又存一玉童手
執玉瓶瓶內甘泉白體如傾雨之狀噴洒
于上五星斗光亦自上焯焯灌注於寶瓶
之內亡人澡沐洗滌薰濛之炁遍結其形
身相光瑩

變衣

夫亡人滯於冥昧衣乃陰炁纏結構合造
衣焚之依法變用

焚變衣諸符 念變呪

唵欣欣鳴伐夷帝明都變鍊有形攝

以水洒之存鍊霞絲之光交錯透衣想仙

童玉女自天門捧至取青黃白三炁吹之
再想衣上有五色雲炁纏絡

朝禮

存亡人着仙衣楚楚左右童子隨幡引入
壇三禮太上慈尊然後享食受戒

上清靈寶大法卷之五十八

正一天師清微弟子 洪百堅 製作



上清靈寶大法卷之五十九

寫八

洞微高士闕九教普真人壽金真經

上清三洞弟子靈寶齋戒師王奕真集

齋法宗旨門

呪食

師於呪食之所執水盃焚變食符於內存
真炁入水次念三光呪取三光炁入水又
念青玄寶號取青玄之炁入水又念隱語
取五方正炁入水次又念青玄號八十一
遍存太一慈尊居于東方雲炁吸炁歸身

化為太一慈尊啓召溟滓大變神王下降
變食次以枝水洒食如攝名不經下幕醫
治則先嘗與亡靈開通咽喉胃管生津變
化法食皆是雲廚甘靈異品珍饈果是交
梨火東丹奈蟠桃之類品味香美遍滿無
邊饌腹時充食之無盡

停戒

宗旨曰兆先於上帝前三禮長跪默奏請
降披書受道誥救苦真符長生靈符官君
護戒神王童子焚龍金龍驛吏天道功曹